

Baca petikan di bawah dengan teliti kemudian jawab soalan-soalan yang berikutnya.

PUISI MODEN SAJAK KURINGIN BERTERIMA KASIH	
Sesekali kuingin berterima kasih kepadamu hujan bagai tetamu jiwa pun menjadi dingin api amarah pun terpadam. Sesekali kuingin menyemai budi kepadamu tanah yang hidup kerana perutmu setia menghamilkan rezeki buat petani. Sesekali kuingin berbisik kepadamu ikan-ikan yang riang liar di belantara samudera kerana sudi membebaskan derita nelayan tua di pondoknya.	Sesekali kuingin kalungkan kagum kepadamu pejuang negara kerana tanganmu pernah berdarah darah kesetiaan seorang warga kepada watan tercintanya. Sesekali kuingin pula menjadi bunga menebarkan keharuman di taman-taman keresahan hidup menyerahkan keinsafan kepada keangkuhan perang. Alangkah indahnyanya dunia andai semua merenung kekosongan hidup ini.

1. Apakah maksud *jiwa pun menjadi dingin*?
A kekuatan di hati
B kepedihan hati
C ketenangan hati
D keresahan hati.
2. Antara berikut, manakah unsur metafora yang terdapat dalam sajak di atas.
A ikan-ikan yang riang
B kepadamu hujan bagai tetamu
C di taman-taman keresahan hidup
D sesekali kuingin pula menjadi bunga.
3. Sajak di atas bernada
A sinis
B romantis
C melankolik
D patriotism
4. Antara berikut, yang manakah sebab-sebab pengarang berterima kasih kepada tanah?
I. hilang kemarahan
II. menghilangkan derita nelayan
III. sentiasa berbakti kepada petani
IV. mengeluarkan hasil kepada petani.
A I dan II
B I dan IV
C II dan III
D III dan IV

darah kesetiaan seorang warga kepada watan tercintanya

5. Maklumat di atas menggambarkan nilai
- A keinsafan
 - B kerajinan
 - C kesyukuran
 - D patriotisme